

КАФИСМА ПЯТАЯ

Псалом Давиду,
не надписан у еврей, 32

¹ Рáдуйтеся, прáведнии, о Гóсподе, прáвым подобáет похвалá. ² Исповéдайтеся Гóсподеви в гúслех, во псалтíри десятистру́ннем по́йте Ему. ³ Воспо́йте Ему песнь нóву, дóбре по́йте Ему со восклицáнием: ⁴ я́ко прáво слóво Госпóдне, и вся делá Его в вéре. ⁵ Лю́бит мíлостыню и суд Госпóдь, мíлости Госпóдни испóлнь земл́я. ⁶ Сло́вом Госпóдним небесá утверди́шася, и дúхом уст Его вся сíла их. ⁷ Собира́яй я́ко мех вóды морскíя, полага́яй в сокровищах бéздны. ⁸ Да убойтеся Гóспода вся земл́я, от Него́же да подви́жутся вси живúщи по вселénней. ⁹ Я́ко Той рече́, и бы́ша, Той повеле́, и созда́шася. ¹⁰ Госпóдь разоря́ет советы́ языков, отмета́ет же мы́сли люде́й, и отмета́ет советы́ князе́й. ¹¹ Совет же Госпóдень во век пребыва́ет, помышлénия сёрдца Его в род и род. ¹² Блажén язык, ему́же есть Госпóдь Бог его, лю́ди, я́же избра́ в насле́дие Себе́. ¹³ С Небесé призрэ́ Госпóдь, ви́де вся сы́ны челове́ческа. ¹⁴ От гото́ваго жили́ща Своего́ призрэ́ на вся живúщыя на земл́и. ¹⁵ Созда́вый на еди́не сёрдца их, разумева́яй на вся делá их. ¹⁶ Не спасéтся царь мно́гою сíлою, и испо́лн не спасéтся мно́жеством крёпости своея́. ¹⁷ Лож конь во спасéние, во мно́жестве же сíлы своея́ не спасéтся. ¹⁸ Се о́чи Госпóдни на бо́ящыя Его́, упова́ющыя на мíлость Его́. ¹⁹ Избáвити от смёрти дúшы их, и препита́ти я́ в глад. ²⁰ Душá же нáша ча́ет Гóспода, я́ко Помóщник и Защи́титель наш есть. ²¹ Я́ко о Нем возвеселíтся сёрдце нáше, и во и́мя свято́е Его́ упова́хом. ²² Бúди, Гóсподи, мíлость Твоя́ на нас, я́коже упова́хом на Тя.

¹ Псалом Давиду, внегда измени
лице свое пред Авимелехом,
и отпусти его, и отъиде, 33

² Благословлю́ Гóспода на всякое вре́мя, вíну хвалá Его во устéх мо́их. ³ О Гóсподе похва́лится душá моя́, да услы́шат крóтцыи и возвеселя́тся. ⁴ Возвели́чите Гóспода со мно́ю и вознесём и́мя Его

вкупѣ. ⁵ Взыска́х Го́спода и услы́ша мя, и от всех скорбе́й мо́их изба́ви мя. ⁶ Приступите к Немú и просветíteся, и лица ва́ша не постыда́тся. ⁷ Сей ни́щий воззва́, и Госпо́дь услы́ша и́, и от всех скорбе́й его спасе́ и́. ⁸ Ополчи́тся Ангел Госпо́день о́крест боя́щихся Его, и изба́вит их. ⁹ Вкуси́те и ви́дите, я́ко благ Госпо́дь; блаже́н муж, и́же упова́ет Нань. ¹⁰ Бо́йтесь Го́спода, вси святи́и Его, я́ко несть лише́ния боя́щимся Его. ¹¹ Богáтии обнища́ша и взалка́ша, взыска́ющие же Го́спода не лишáтся вся́каго бла́га. ¹² Приидите, ча́да, послу́шайте мене́, стра́ху Госпо́дню научú вас. ¹³ Кто́ есть челове́к хотя́й живо́т, любя́й дни ви́дети бла́ги? ¹⁴ Удержи́ язы́к твой от зла, и устне́ твой, е́же не глаго́лати льсти. ¹⁵ Уклони́ся от зла и сотвори́ бла́го. Взыщи́ ми́ра, и поже́ни и́. ¹⁶ о́чи Госпо́дни на пра́ведныя, и у́ши Его в моли́тву их. ¹⁷ Лице́ же Госпо́дне, на творя́щя зла́я, е́же потреби́ти от земли́ па́мять их. ¹⁸ Воззва́ша пра́веднии, и Госпо́дь услы́ша их, и от всех скорбе́й их изба́ви их. ¹⁹ Близ Госпо́дь сокруше́нных се́рдцем, и смире́нныя ду́хом спасе́т. ²⁰ Мно́ги ско́рби пра́ведным, и от всех их изба́вит я́ Госпо́дь. ²¹ Храни́т Госпо́дь вся ко́сти их, ни еди́на от них сокруши́тся. ²² Смерть греше́тников люта́, и ненави́дящи пра́веднаго прегре́шат. ²³ Изба́вит Госпо́дь ду́шы раб Свои́х, и не прегре́шат вси, упова́ющие на Него́.

Слава:

Псалом Давиду, 34

¹ Суди́, Го́споди, оби́дящя мя, побори́ борю́щя мя. ² Приими́ ору́жие и щит, и востáни в по́мощь мою́. ³ Изсу́ни мечь, и заключи́ сопро́тив гоня́щих мя. Рцы души́ мое́й: спасе́ние твоё есмь Аз. ⁴ Да постыда́тся и посра́мятся и́щущи ду́шу мою́, да возвратя́тся вспя́ть и постыда́тся мы́слящи ми зла́я. ⁵ Да бу́дут я́ко прах пред лице́м ве́тра, и Ангел Госпо́день оскорбля́я их. ⁶ Да бу́дет путь их тма и по́лзок, и Ангел Госпо́день погоня́яй их: ⁷ я́ко ту́не скрýша ми па́губу се́ти свое́я, всу́е поноси́ша души́ мое́й. ⁸ Да прии́дет ему́ сеть, ю́же не весть, и лови́тва, ю́же скры, да объ́имет и́, и в сеть да впаде́т в ню. ⁹ Душа́ же моя́ возра́дуется о Го́споде, возвесели́тся о спасе́нии Его. ¹⁰ Вся ко́сти моя́ реку́т: Го́споди, Го́споди, кто́ подо́бен Тебе́? Избавля́яй ни́ща из руки́ кре́пльших его́, и ни́ща, и

убога от расхищающих его. ¹¹ Воставше на мя свидетеле неправеднии, яже не ведях, вопрошаху мя. ¹² Воздаша ми лукавая воз благая, и безчадие души моей. ¹³ Аз же, внигда они стужаху ми, облачахся во вретище, и смирах постом душу мою, и молитва моя в недра мое возвратится. ¹⁴ Яко ближнему, яко брату нашему, тако угождах, яко плача и сетуя, тако смирахся. ¹⁵ И на мя возвеселишася и собращася: собращася на мя раны, и не познах, разделишася, и не умилишася. ¹⁶ Искусиша мя, подражниша мя подражением, поскрежеташа на мя зубы своими. ¹⁷ Господи, когда узриши? Устрой душу мою от злодейства их, от лев единородную мою. ¹⁸ Исповемся Тебе в церкви мнозе, в людех тяжцех восхваляю Тя. ¹⁹ Да не возрадуются о мне враждующии ми неправедно, ненавидящии мя туне и помизающии очима. ²⁰ Яко мне убо мирная глаголаху и на гнев лести помышляху. ²¹ Разшириша на мя уста своя, реша: благоже, благоже, видеша очи наши. ²² Видел еси, Господи, да не премолчиши. Господи, не отступи от мене. ²³ Востани, Господи, и вонми суду моему, Боже мой и Господи мой, на прю мою. ²⁴ суди ми, Господи, по правде Твоей, Господи Боже мой, и да не возрадуются о мне. ²⁵ Да не рекут в сердцах своих: благоже, благоже души нашей, ниже да рекут: пожрохом его. ²⁶ Да постыдятся и посрамятся вкупе радующиися злом моим, да облекутся в студ и срам велеречующии на мя. ²⁷ Да возрадуются и возвеселятся хотящии правды моея, и да рекут выину: да возвеличится Господь, хотящии мира рабу Его. ²⁸ И язык мой поучится правде Твоей, весь день хвалю Твоей.

¹ В конец,
отроку Господню Давиду, 35

² Глаголет пребеззаконный согрешати в себе: несть страха Божия пред очима его. ³ Яко ульсти пред ним обрести беззаконие свое и возненавидети. ⁴ Глаголы уст его беззаконие и лесь, не восхотел разумети еже ублажити. ⁵ Беззаконие помысли на ложи своем: предста всякому пути неблагу, о злобе же не негодова. ⁶ Господи, на Небеси милость Твоя и истина Твоя до облак. ⁷ Правда Твоя, яко горы Божия, судьбы Твоя бездна многа. Человеки и скоты спасеши, Господи. ⁸ Яко умножил еси милость Твою, Боже, сынове

же челове́чести в кро́ве крилу́ Твоею наде́яться íмут. ⁹ Упию́тся от ту́ка до́му Твоего́, и пото́ком сла́дости Твоея́ напои́ши я́. ¹⁰ Яко у Тебе́ исто́чник живота́, во све́те Твоем у́зрим свет. ¹¹ Проба́ви ми́лость Твою́ ве́дущим Тя и пра́вду Твою́ пра́вым се́рдцем. ¹² Да не при́дет мне нога́ горды́ни, и рука́ грéшница да не подв́ижит мене́. ¹³ Та́мо падо́ша вси де́лающие беззако́ние: изринове́ни бы́ша, и не возмо́гут ста́ти.

Слава:

Псалом Давиду, 36

¹ Не ревну́й лука́внующим, ниже́ зави́ди творя́щим беззако́ние. ² Зане́ яко трава́ ско́ро íзснут, яко зе́лие зла́ка ско́ро отпаду́т. ³ Упова́й на Го́спода и твори́ благосты́ню, и насели́ зе́млю, и упасе́шися в бога́тстве ея́. ⁴ Наслади́ся Го́сподеви, и даст ти проше́ния се́рдца Твоего́. ⁵ Откры́й ко Го́споду путь твой и упова́й на Него, и Той сотвори́т: ⁶ и изведёт, яко свет, пра́вду твою́ и судьбу́ твою, яко полудне. ⁷ Повини́ся Го́сподеви и умоли́ Его. Не ревну́й спе́ющему в пу́ти своём, челове́ку, творя́щему законопреступле́ние. ⁸ Преста́ни от гне́ва и оста́ви я́рость, не ревну́й е́же лука́вновати. ⁹ Зане́ лука́внующии потреба́тся, терпя́щие же Го́спода, ти́и насле́дят зе́млю. ¹⁰ И е́ще ма́ло, и не бу́дет грéшника, и взы́щеша ме́сто его́, и не обря́щеша. ¹¹ Крото́цыи же насле́дят зе́млю и насла́дятся о мно́жестве ми́ра. ¹² Назира́ет грéшный пра́веднаго и поскреже́щет нань зу́бы свои́ми. ¹³ Госпо́дь же посме́ется ему, зане́ прозира́ет, яко при́дет день его. ¹⁴ Мечь извлеко́ша грéшницы, напряго́ша лук свой, низложити убо́га и ни́ща, закла́ти пра́выя се́рдцем. ¹⁵ Мечь их да вни́дет в се́рдца их, и лу́цы их да сокруша́тся. ¹⁶ Лу́чше ма́лое пра́веднику, па́че бога́тства грéшных мно́га. ¹⁷ Зане́ мы́шцы грéшных сокруша́тся, утвержда́ет же пра́ведныя Госпо́дь. ¹⁸ Весть Госпо́дь пу́ти непоро́чных, и досто́яние их в век бу́дет. ¹⁹ Не посты́дятся во вре́мя лю́тое, и во днех гла́да насы́тятся, яко грéшницы поги́бнут. ²⁰ Врази́ же Госпо́дни, купно просла́витися им и вознесе́тся, исчеза́юще яко дым исчеза́ша. ²¹ Заемлет грéшный и не возврати́т, пра́ведный же ще́дрит и даёт. ²² Яко благословя́щие Его насле́дят зе́млю, клену́щиеи же Его потреба́тся. ²³ От Го́спода

стопы́ челове́ку исправля́ются, и пути́ его восхо́щет zelo. ²⁴ Егда́ паде́т, не разби́ется, я́ко Госпо́дь подкрепля́ет ру́ку его́. ²⁵ Юне́йший бых, и́бо состаре́хся, и не ви́дех пра́ведника оста́влена, ниже́ се́мени его́ прося́ща хлѣбы. ²⁶ Весь день ми́лует и взаи́м дае́т пра́ведный, и се́мя его во благослове́ние бу́дет. ²⁷ Уклони́ся от зла и сотвори́ благо, и всели́ся в век ве́ка. ²⁸ Я́ко Госпо́дь лю́бит суд и не оста́вит преподо́бных Свои́х, во век сохра́нятся. Беззако́нницы же изжену́тся, и се́мя нечести́вых потреби́тся. ²⁹ Пра́ведницы же насле́дят зе́млю и вселя́тся в век ве́ка на ней. ³⁰ Уста́ пра́веднаго поуча́тся премудро́сти, и язы́к его возглаго́лет суд. ³¹ Зако́н Бо́га его в се́рдце его́, и не за́пнутся стопы́ его. ³² Сма́трянъ грѣшный пра́веднаго и и́щет е́же умертви́ти его́. ³³ Госпо́дь же не оста́вит его́ в ру́ку его, ниже́ осуди́т его, егда́ су́дит ему́. ³⁴ Потерпи́ Го́спода и сохра́ни путь Его, и вознесѣ́т тя, е́же насле́дити зе́млю, внегда́ потребля́тися грѣшником у́зриши. ³⁵ Ви́дех нечести́ваго превозно́сящася и вы́сящася, я́ко ке́дры Лива́нския. ³⁶ И ми́мо идо́х, и се не бе, и взыска́х его, и не обрѣ́теся ме́сто его́. ³⁷ Храни́ незло́бие и виждь право́ту, я́ко есть оста́нок челове́ку ми́рну. ³⁸ Беззако́нницы же потреба́ются вку́пе: оста́нцы же нечести́вых потреба́ются. ³⁹ Спасе́ние же пра́ведных от Го́спода, и Защи́титель их есть во вре́мя ско́рби. ⁴⁰ И помо́жет им Госпо́дь, и изба́вит их, и и́змет их от грѣшник, и спасѣ́т их, я́ко упова́ша на Него́.

Слава:

По 5-й кафисме, Трисвятое.

Таже тропари, глас 5. Стра́шный Твой Престо́л, лука́вое моё жити́е. И кто мя изба́вит тогда́шня нѹ́жды, а́ще не Ты поми́луеши мя, Христе́ Бо́же, я́ко Щедр и Человеколю́бец?

Слава: Попече́ние жити́я изгна́ мя ра́я, и что сотворю́, отча́янный. Сего́ ра́ди толку́ во врата́ и зову́: Го́споди, Го́споди, отве́рзи ми пока́нием и спаси́ мя.

И ныне: Кий нарече́м храм Твой, Богоро́дице? Приста́нице ли духо́вное? или́ рай сла́дости Небе́сных, ходата́йствен жи́зни неконча́емая? Вся бо има́ши до́брая, всегда́ моли́ся Христу́ спасти́ся душа́м на́шим.

Го́споди, поми́луй (40) и молитва:

Бо́же Пра́ведный и Хва́льный, Бо́же Вели́кий и Кре́пкий, Бо́же Преве́чный, услы́ши грешнаго му́жа моли́тву в час сей: услы́ши мя, обеща́вый услы́шати во и́стине Тя призыва́ющих, и не омерзи́ мя, нечи́стыя устне́ иму́ща и во гресех содержи́ма, упова́ние всех конце́в земли́ и страна́ствующих да́лече. Приими́ ору́жие и щит и воста́ни в по́мощь мою́: изле́й мечь и заключи́ сопроти́в гонящих мя. Запрети́ нечи́стым духово́м от лица́ безу́мия моего́, и да отлучи́тся от моея́ мы́сли дух ненави́сти и злопо́мнения, дух за́висти и ле́сти, дух бо́язни и уны́ния, дух го́рдости и вся́кия инья́ зло́бы; и да угаснет вся́кое разжже́ние и движе́ние плоти́ моея́, от диа́вольскаго де́йства составля́емое, и да просвети́тся моя́ душа́ и те́ло, и дух све́том Твоего́ Божество́ннаго позна́ния: да мно́жеством щедро́т Твои́х дости́гну соедине́ния ве́ры, в му́жа соверше́нна, в ме́ру во́зраста, и просла́влю со Ангелы́ и все́ми святы́ми Твои́ми всечестно́е и велико́лепое и́мя Твое́, Отца́ и Сы́на и Свята́го Ду́ха, ны́не и при́сно, и во ве́ки веко́в, ами́нь.